

26 JUL 2002

Sukan-Ekuestrian/I

MALAYSIA TUAN RUMAH KEJOHANAN SHOW JUMPING ANTARABANGSA

KUALA LUMPUR, 26 Julai (Bernama) -- Kuala Lumpur akan menjadi tuan rumah kepada pertandingan Show Jumping Antarabangsa KL, tahun depan.

Acara itu yang juga dikenali sebagai KL Grand Prix (GP), akan disertai lebih 25 penunggang terkemuka dunia dan juga kuda-kuda terbaik, akan diadakan di Stadium Putra, Bukit Jalil selama tiga hari mulai 4 April.

Tarikh tersebut meletakkan KL Grand Prix sebagai penting dalam peringkat akhir pertandingan Sirkuit GP Dalam Dewan Antarabangsa.

Acara itu menjadi sebahagian daripada pertunjukan show jumping bertaraf antarabangsa dan mengambil tempatnya sebagai acara ekuestrian paling berprestij di dunia.

Ia mendapat sokongan daripada Perdana Menteri Datuk Seri Dr Mahathir Mohamad.

"Kerajaan komited dalam menyokong acara yang dianjurkan pertubuhan ekuestrian antarabangsa dalam usaha menjadikan Malaysia sebagai pusat kepada kecemerlangan sukan ekuestrian," kata Dr Mahathir dalam satu kenyataan di sini hari ini.

Menteri Belia dan Sukan Datuk Hishammuddin Hussein turut menyokong KL Grand Prix ini, begitu juga kementeriannya.

Asiapromote Ventures, penganjur KL Grand Prix berkata penunggang terkemuka dunia kini tidak sabar untuk datang ke Kuala Lumpur menyertai kejohanan ini.

"Saya baru pulang daripada pertandingan pusingan akhir Showjumping Piala Dunia di Jerman dan bertemu dengan beberapa penunggang terkemuka dunia. Mereka telah memberi jaminan kepada kami akan hadir pada acara yang kita anjurkan itu pada 2003," kata Wan Zaleha Radzi, Pengarah Eksekutif Asiapromote Ventures.

-- BERNAMA

ERE AKT ZB